

普曜經



百廿九  
鳴三


48064

元祿九年丙子二月日重脩

皇圖瓊閣 帝階綴昌

佛日增輝 懋合輪常轉

山城州天安寺法金剛院置



普曜經卷第一

鳴

西晉三藏法師竺法護譯

論降神品第一

聞如是一時佛在舍衛國祇樹給孤獨園與  
大比丘眾萬二千菩薩三萬二千一切大聖  
神智以暢一生補處當成正覺損己布施持  
戒清和忍辱調意精進一心智慧善權所度  
無極解一切法如幻野馬影響芭蕉化夢月  
影悉無所有有利無利若譽若謗若苦若樂  
得名失稱已過世間諸所有法神通自娛逮  
致揔持獨步三界猶如日光及諸菩薩備悉  
之願周旋五趣救濟危厄分別辯才定意無

礙皆以由已咸成法忍悉得具足諸菩薩任  
任無所任度脫十方其名曰慈氏菩薩揔豪  
王菩薩師子英菩薩吉義菩薩寂意行菩  
薩分別辯才菩薩逮無所畏菩薩進寂菩薩  
大哀菩薩如是上首菩薩三萬二千爾時世  
尊遊舍衛城國王大臣豪尊長者凡庶萬民  
咸共供養衣被飯食牀褥卧具病瘦醫藥一  
切所安其妙名稱普聞十方是為如來至真  
等正覺明行成爲善逝世間解無上士道法  
御天人師爲佛出世尊敷演道義上中下善義  
達微妙所興清徹淨修梵行於時其夜淨居  
天子名寂然尊及神妙天歡樂天加歡天栴

擅天大悅天憺然天尊寂律天及餘無數  
淨居天子威神巍巍各有光暉普照祇樹往  
詣佛所稽首足下遷住一面是諸天子前白  
佛言曾聞有經號名普曜大方等典分別菩  
薩衆德之本從兜術天降神母胎在於胎中  
娛樂開化顯示殊特復現出生皆爲一切立  
諸法行在宮媿女愛欲之間顯諸藝術現行  
學書計校書筭醫藥療治射御手博要誓擲  
象示現道力越諸群生且足成就諸菩薩行  
往來周旋果實超殊名稱流布以菩薩力而  
自娛樂降伏魔場具足如來十力無畏願宣  
諸佛無量經典敷演過去如來至真所講說

法往管道義猶若世尊蓮華上佛法英佛定  
光佛德英佛法造佛仙天佛諦英佛習金剛  
佛衆尊佛雪像佛樂清淨佛出家樂行佛華  
英佛勝顏佛善鬪佛善曜仙勲佛勝輪佛欣  
樂佛天華佛輪吉祥佛善首佛善喜佛任覺  
佛任施佛任諦法普稱佛是世善妙佛普辯  
佛寶稱佛威強佛梵神佛無畏善化佛善音  
佛目悅佛積德佛音雨佛妙顏佛壽神佛與  
人遊佛羨求佛降怨佛供養佛惟衛佛唯式  
佛隨葉佛拘留秦佛拘那鎗牟尼佛迦葉佛  
如來至真等正覺道決所化自管迄今善哉  
世尊愍哀一切今亦頒宣如是法訓多所哀

念多所安隱普護世間及十方人爲諸大乘  
唯分別之降伏一切外學衆邪攝化衆魔宣  
布菩薩諸所行義現諸菩薩行大乘者咸超  
精進將護正法三寶自在今不斷絕具足佛  
身盡現十方時佛默然可諸天子所啓白意  
欲令一切普蒙其恩時諸天子見佛默然聽  
啓白意欣然大悅稽首足下遶佛三匝以天  
心華供養散佛忽然不現還歸天上於是世  
尊明日與諸菩薩及諸聲聞眷屬圍遶會迦  
梨講堂告諸比丘昨夜半時淨居天子及諸  
眷屬來禮我足叉手白言願爲一切重演普  
曜大方等典令諸群生普蒙其恩吾時默然

可其所啓時天子等歡喜踊躍忽然不現各  
還天上於是衆會聞此欣悅前白佛言唯天  
中天重發斯問尔時世尊告諸菩薩及諸聲  
聞諦聽諦聽善思念之當爲汝說無極訓誨  
一切如來所可宣暢普濟衆生何謂比丘普  
曜經典大方等法於斯菩薩任兜術天咸見  
奉敬逮得無餘阿惟顏住百千天人所共咨  
嗟名徹十方諸願普具曉了一切諸佛法藏  
清淨無垢聖智道眼意念定智往來周旋聖  
性堅強耻衆未度其念弘普亘然極遠布施  
戒忍精進一心智慧淵深大權方便所度無  
極大慈大哀喜護四等弘暢梵迹無極神通



三達無礙示現聖慧永無闇蔽道業純淑意  
止意斷神足根力覺意道業寂然止觀普備  
一切諸佛道品達致本際功勳福祚不可限  
量成就相好莊嚴其體在彼久長常得自在  
仁和無諍言行相應其心所懷口言無二斯  
意質直而無諛諂怨結他念常自謙損而不  
自大等心衆生未曾偏黨供養無數百千載  
佛爲衆重任恒忍災患觀見無量諸菩薩衆  
覩其根本梵釋四王大神妙天天龍鬼神閻  
義捷陀羅見莫不悅咨受訓誨分別一切章  
句本末已還無爲入於有爲隨時方便而開  
化之心念法器識解一切諸佛所宣無有悞

亂而不迴還逮得揔持深入法藏乘大法船遊  
十二海接度諸流三十有七道品之教合集  
法寶深奧智慧爲大道導師越度四瀆諸願具  
足降伏魔怨善救外業諸異邪徑開化一切  
所任堅固雖在塵勞皆來歸命爲衆導首強  
若金剛行無蓋哀志性和安積精進力爲法  
優奧善權方便在於衆中雄如師子定意之  
業不可限載猶如蓮華處汙無垢禁戒博聞  
而無放逸慈於十方無有害心如水晶澄而  
無所著超世八法心如大寶所度無極福祚  
聖慧積功累德道藏鮮明佛之智慧度闡法  
城消衆患難善開悟之以四神足度於彼岸

志三脫門顯其寂觀清淨光曜一心脫門處  
在閑室如山曠野遊法叢樹行具足成十力  
無畏未曾怯弱以度生死無復疑難衣毛不  
豎越於無數在外異學猶如師子遊於麋鹿  
捨諸放逸無吾我意設有所暢爲師子吼人  
中之雄解脫禪定智慧道場放大光明照諸  
暗冥悉蒙道暎衆邪異學譬如螢火無益於  
世愚戇幽昧曜蔽塞心興大道力精進之業  
宣功德行威神巍巍除黑冥品具足清白見  
莫不歡諸佛國土無所罣礙拔諸窮厄蕩滌  
垢穢脫門一心覺意清涼曉了聖明禪思清  
白以開化之其四部衆諸天人民行七覺意

積累道寶齊心衆生應病與藥志不懷惡行  
十善業以是財富奉持具足不違法王所行  
殊勝而轉寶輪轉輪王種成就一切深遠難  
限一切法寶博聞無厭慧普無極尔時所興  
不可限量無能爲喻猶如江海所揔持慧如  
地水火風其心平等堅強無動如須弥山消  
諸結著猶如日光以離諸垢心若虚空在大  
宮殿安處其中諸牀坐具二萬二千門戶軒  
窻講堂棚閣校飾嚴整豎衆幢蓋交露精舍  
布散衆華青蓮芙蓉諸玉女衆有億百千俱  
作伎樂及雜衆華不可稱限諸寶樹木次第  
行列其地清淨平正無邪香熏普流飛鳥鳧

鴈哀鸞異類無數億眾遊戲浴池暢和雅音  
現在觀覩聞大法聲消除一切塵欲之難攝  
諸疲馱自大貢高其心歡悅思念恢弘由是  
成就大無極法演出訓誨八萬四千伎樂妙  
音是為菩薩宿世積德自然宣出此微妙偈  
積功累德行 宣布具足音 其心普思道  
造智慧光明 備無量力勢 棄捐諸所有  
分別泐眾疑 諸天之本末 意清淨無垢  
無雜眾瑕穢 棄捐于三毒 寂滅瞋恚恨  
鮮潔消眾垢 其心如明珠 從往古以來  
常好喜布施 音響從種姓 誠寂行調和  
精進禪智慧 導習億載法 音暢無數稱

宣說億載佛

愍傷於衆生

且觀今是時

曉了知終始

老死之塵垢

觀察其本行

天龍諸鬼神

樂百千億劫

聽之無厭倦

善智慧無懈

充飽救飢渴

卿等雖所慕

樂法不好俗

性以無垢穢

愍傷天世人

億那術載天

聽法心不廢

若慕於歌頌

觀諸地獄難

其目淨無垢

見十方諸佛

已聞得此法

斯經世所尊

宿世種妙德

處兜術天宮

宜加大慈哀

愍悅雨天下

已越於欲界

及色界億載

咸共慕樂聖

無上吉祥佛

降伏衆魔業

消化諸異學

佛道如觀掌

且察今是時

世塵勞興盛

宜布諸法雲

精進雨甘露

消滅天人垢

尊醫曉諸種

授藥建療治

應示三脫門

速立無為安

譬如師子吼

諸小蟲怖懾

暢佛師子吼

降伏外異學

手執明誓鎧

過伏精進力

揔持近目前

勝降伏衆魔

四天王選察

欲貢上尊鉢

億載天帝梵

始生徃奉敬

觀觀尊音稱

寶種諸豪姓

見人等所處

行菩薩之道

其乘在三有

明寶在所勝

無垢如摩尼

興雲雨天下

諸伎樂之聲

演出若干音

勸助愍哀意

觀察今是時

於是佛告諸比丘于時菩薩省諸伎樂宣法

音時出大宮殿有大講堂号演施法昇彼講  
堂坐師子牀其諸天子學大乘業行等慈者  
亦復俱昇此大講堂各從本位次第而坐捨  
王女衆及諸天子咸從同學各來集會諸眷  
屬衆各六十六億咸共講議當使菩薩現生  
何種或有說言此維提種摩竭國土最爲興  
盛今菩薩者應在彼土降神母胎或有說言  
菩薩不應生彼國土所以者何維提種者母  
姓真正其父不真種姓卒暴而不安詳無可  
貪樂其種甚德福不具足土地國邑無好浴  
池苑囿之觀旣處邊境不宜生彼或有議言  
拘薩大國其種弘廣眷屬興盛菩薩應下降



神彼國或有報言菩薩不應所以然者拘薩  
本從摩騰種來生彼國父母宗族皆不真正  
下劣小姓非是天師所可慕樂福祿甚薄卑  
鄙之士性行不和無有琦珍殊異之寶餽饌  
之供可以奉聖園觀浴池亦復簡少既是邊  
域不宜屈尊或有說言和沙大國國王右姓  
人民熾盛五穀豐登菩薩應當降神彼國或  
復報言菩薩不應所以然者其彼國王雜合  
小姓非是高德士無威神受他節度來成此  
國父母不真不得自在以是之故不應生彼  
或復說言此維耶離無極大城人民滋茂安  
隱豐熟快樂無難軒牕門戶彫文闡閣嚴飾

巍巍浴池園觀男女周旋遊戲其中人民居  
宅儼然整齊菩薩應下降神彼土或復報言  
不宜現彼所以然者彼土民衆喜諍不和無  
清淨行有外無內不修道法不別尊卑各自  
謂尊獨言隻步不能下意不順法教不服高  
德以是之故不可屈尊或復說言此鏹樹國  
種姓豪強事業無極行衆無首所習第一菩  
薩應下降神彼國或復報言是亦不應所以  
然者其土凶逆舉動虛妄志性麁獷剛強難  
化形笑輕人自大由已不修事業以是之故  
不應生彼其諸菩薩及諸天子各各共議觀  
察天下諸大國土諸王大姓豪尊重位皆觀

察之悉不可意。尔時會中有一天子名曰幢  
英行菩薩道。逮不退轉。暢達大乘。告諸菩薩  
及衆天子諸賢者等。可共俱往問於菩薩。何  
所種姓。最後究竟。一生補處。應往降神。處於  
胞胎。僉共。義手。誦菩薩所。而前諮問。唯願正  
士。究竟菩薩。一生補處。所可降神。種姓何類。  
功勳云。何菩薩報曰。其國種姓有六十德。一  
生補處。乃應降神。何謂六十國土。寬博種姓。  
寂靜衆所宗。仰不生雜姓。所生嚴妙種姓。真  
正應男女行志操堅強。本末丈夫。遵習上業。  
其行堅要。作人。愴怕衆所羨。樂意行勇猛。所  
在尊豪。志行無極。女行清白。男子無限。所生

無畏無有慳嫉智慧明達有藝多術棄捐惡  
趣飲食恣意逮得自在善友興盛雖在虫獸  
無所燒害種姓溫良慕修道德而無貪欲無  
有瞋恚不懷愚冥在樂無顛相好弘普所造  
篤信好樂布施出家堅固力勢超異所遊殊  
勝人莫不敬諸天奉之鬼神承事餓鬼歸仰  
無有怨結名聞十方種類第一姓行自在其  
眷屬強無亂伴黨群類無上孝順父母敬沙  
門梵志財業饒富多寶穀藏豐於七珍象馬  
熾盛獨步由已奴客僮使甚多無數利義如意  
無能勝者仁慈普覆是為六十時諸菩薩及諸天  
子聞是六十種姓清淨欣然大悅乃知殊特前

白菩薩何所種姓功勳巍巍具足如此菩薩  
報曰今此釋種熾盛五穀豐熟安隱平賤快  
樂無極人民滋茂植衆德本迦維羅衛衆人  
和順上下相承心念反復將護情態積三帑  
藏捨衆殃豐棄衆邪見一切諸釋渴仰一乘  
奉敬尊長居士大目眷屬和穆色像第一其  
白淨王性行仁賢夫人曰妙姿性溫良仁慈  
博愛容色難倫心無傾移無有子姓馱於世  
俗不倦道訓猶如玉女覩莫不歡無女人態  
言語至誠初無麁獷除棄恚恨不傳彼此好  
樂布施禁戒無漏敬重夫主知時止足不懷  
異心常吉祥定髮紺青色顏貌熙怡言先意

至仁和其姓體行質直而無諛諂常懷慚愧  
性重不輕三垢薄甚忍辱第一手足柔輒猶  
如蓮華護心口意強如金剛若玉女寶德本  
清淨前五百世為菩薩母釋種飢虛宿夜望  
侍應徃降神受彼胞胎於是頌曰

清淨人意法

處法師子座

自然天圍遶

此菩薩憺怕

普處講堂議

何種至賢良

菩薩應降神

父母淳真正

普觀於天下

君子王大姓

咸共意思惟

釋種淨無瑕

白淨王最勝

帝主中殊特

熾成豐無疵

恭恪常行法

一切皆歸仰

悉慕釋淳和

嚴講堂園觀

應降神迦維

咸成大勢力

象力三十二

學術度無極

沒身無所害

白淨捨自大

三千界第一

意樂似天帝

后名曰潔妙

端正天玉女

形體最清淨

諸天人覩之

正觀無厭倦

無瑕如琦珍

質直言柔輒

安隱無麓諍

面悅顏不變

行法懷慚愧

離慢不輕舉

所聽無諛諂

常慈好布施

淨邪行十善

身口意常諦

以度女人態

未曾有缺漏

不慕世俗榮

龍宮及世間

無倫可殊者

應宜懷大聖

宿本五百世

恒為菩薩母

白淨應為父

彼應降神德

善見勤修行

所奉常遵法

恒與清白俱

三十二無欲

所在國進止

卧寐及經行

普照其處所

淨光滅眾罪

雖處天神人

無敢有欲心

見無威儀行

視之如母子

妙后發淨業

生長國王宮

既尊無所越

名稱咸普流

如王后應器

尊人耀最上

應徃彼義土

我宜徃降神

天下無餘人

能懷尊聖者

唯妙后應德

乃能堪任受

諸天咨大聖

菩薩清淨智

亦歎王后勲

應徃生釋種

說法門品第二

佛告比丘揀選菩薩所降神土其瓊術天有

大天宮名曰高幢廣長二千五百六十里菩

薩常坐為諸天人敷演經典於時菩薩適昇



斯宮普告諸天有經典名療治衆疫終始之  
患最後究竟上大高座頒宣正直真令諸法會  
聽斯訓誨時諸菩薩及諸玉女咸曰當聽于  
時菩薩觀四方域化作高座如四天下現若  
千品諸好琦妙莊嚴文飾悅一切心其座嚴  
好過欲色界所有牀榻皆是菩薩宿德使然  
并師子座無央數寶而合莊校無極天衣以  
敷其上無量香熏而以熏之燒諸雜香散衆  
華百千明珠自然奮光嚴交露帳其交露  
帳出妙音聲斯大光明遍照十方豎諸幢蓋  
周帔垂布明珠繒綵百千玉女湏臾皆集無  
數牀榻亦自然至德千功勳普亦現矣無數

釋梵皆來稽首護衛菩薩從無數劫積累功  
德億百千載諸度無極功報所致十方諸佛  
皆遙念之菩薩適坐告諸天人及大會衆諸  
賢者等觀此東西南北四維上下十方世界  
諸兜術天一生補處咸欲降神無數百千諸  
天大衆眷屬圍遶而侍從之皆令覩焉僉為  
頌宣法曜道門菩薩威神之所建立使諸天  
衆覩於十方遙稽首禮各以香華供養補處  
臨成佛者五體歸命稱揚大音讚言善哉菩  
薩之德不可思議令我等身一時目覩無量  
菩薩於時菩薩告諸天衆仁等善聽何故名  
曰法曜道門皆曰不及唯分別之法曜道門

有八百事臨欲降神爲諸天說何謂八百至  
誠法門性行成就無所破壞妙喜法門說非  
時心欣樂法門成就篤信愛敬法門心自然  
淨護身法門淨於三事護口法門不毀四善  
護意法門棄嫉恚癡念佛法門見十方佛念  
法法門觀法清淨念衆法門輒入寂滅念施  
法門威神普至念戒法門具足所願念天法  
門令心清淨慈心法門化之立德悲心法門  
第一無害歡喜法門不毀他人其護法門穢  
猥愛欲非常法門能越欲色無色觀苦法門  
除斷所願觀無我法門無所倚著觀音法門  
消不真正觀慚法門除滅內行觀耻法門寂

消外行觀誠法門不欺天人觀實法門不親  
己身觀行法門導御法行觀三寶法門淨滅  
三塗觀了達法門不失德本觀作法門不輕  
他人觀解己法門不自毀身觀曉人法門不  
非他人分別法門奉行道法知時法門終不  
虛妄棄自大法門具足聖慧捨害法門不慢  
彼我棄結法門無有猶豫好樂法門不懷狐  
疑不淨法門棄貪欲想無諍法門斷鬪訟意  
無虛法門度無中傷法義法門決了諸議樂  
法法門逮法光明求聞法門靜觀諸法應正  
法門奉行平等斷名色法門度諸罣礙猷寶  
法門成立慧解捨著法門不倚名稱暢陰法

門別諸惡行身意法門其體燕靜念通法門  
拔諸痛癢心趣法門觀心如幻意止法門慧  
照衆實意斷法門捨不善本神足法門身心  
輕便信根法門不願他人進根法門善擇慧  
翻意根法門善造道業定意法門解心諸脫  
智慧法門現成翻哲信力法門越魔威勢進  
力法門而不迴還意力法門未曾忘捨定力  
法門滅衆妄想智力法門周旋往來意覺法  
門解真諦法覺意法門普曜諸法進覺法門  
積行佛道喜覺法門修平等行信覺法門所  
作已辦定覺意法門暢諸法行護覺法門度  
諸所生正見法門好樂入寂正念法門棄若

千想正言法門曉了一切諸有音聲猶如呼  
響正治法門無報應罪正業法門息諸罣礙  
正便法門消衆欲意正意法門入無志念正  
定法門逮得三昧無有瞋恨道心法門不斷  
三寶教淨性法門不樂餘乘聖達法門微妙  
佛法心無結網應時法門普具諸法施度無  
極法門備成相好佛土清淨勸化慳嫉戒度  
無極法門悉度衆惡八難之處攝諸犯禁忍  
度無極法門捨衆諍訟瞋恚之心攝恚恨意  
進度無極法門養衆善德攝諸懈怠禪度無  
極法門興顯一切一心脫門定意神通攝諸  
亂意智度無極法門捨衆無明陰蔽窳冥邪

見羅網攝諸惡智善權法門隨衆所好而現  
威儀普攝一切諸佛聖慧四恩法門攝諸衆  
生使成佛道正法由已四等法門慈悲喜護  
以斯四等攝諸偏黨化衆法門安已弘誓而  
不懈倦護法法門蠲除一切衆生塵勞積德  
法門衆生戴仰聖品法門具足十力寂然法  
門成如來定其觀法門慧眼訓誨分別辯法  
門成就法眼道御法門具足佛眼揔持法門  
奉行諸佛之所頒宣辯才法門所可敷演悅  
衆生心順忍法門順化諸法不起法忍法門輒  
得受決不退轉地法門備諸佛法從住至住  
法門至阿惟顏一切智業無餘法門處胎出

家詣佛樹下唯諸仁等略說其要是爲八百  
法曜法門菩薩大士臨降神時爲諸天子講  
說此法說是法門品時八萬四千天子發無  
上正真道心三十萬二千天子宿植德本尋  
時逮成無所從生法忍三十六億諸天子等  
遠塵離垢諸法眼淨兜術諸天咸皆欣然皆  
散天華積至于膝如是比丘于時菩薩爲大  
天衆勸助若茲咨嗟說偈

其有樂清淨 在天心思妙 皆宿造德本  
故致此淨果 是故報前世 造行清淨品  
無德歸惡趣 在苦痛不善 從我聞是法  
莫起無恭敬 當棄此憍慢 致無量大安



罪福無有常  
無恒不堅固  
如夢幻野馬  
空中電忽然  
雖以慕五樂  
猶渴飲鹹水  
離塵度世聖  
還智能充飽  
等諸欲伎樂  
一切諸玉女  
女人各異心  
是時平等業  
不用利養伴  
友親諸眷屬  
除餘造善業  
不樂諸惡品  
是故俱和合  
各懷念慈心  
奉行真正法  
善行息充飽  
常思念諸佛  
在法無放逸  
樂戒博聞施  
忍辱仁和要  
曉了苦無我  
專精觀察法  
從因緣合成  
轉常勝垢濁  
覩見諸辯才  
無極之神足  
慧功勳自然  
造戒聞無逸  
修學無極解  
博聞無馳騁  
施調意智慧  
衆生故行慈

常修行愍哀

能成眾善法

本要行為本

言行常相應

勿從他人教

已寂然精進

不以作逮得

無作亦不安

等意觀其本

生死甚勤苦

不以習離欲

捨邪能究竟

是故得閑靜

宣布順慈心

尊敬聽法會

滅欲燒塵勞

棄捐大真高

執持無諛諂

以時進行道

至滅度無為

消愚眾濁冥

智慧明化之

棄結塵生罔

興發所應行

雖有眾法師

汝等修行義

不在於彼見

不違諸法訓

若得佛道時

轉法雨甘露

淨洗其心垢

咨受最法聞

所現像形品第三

佛告比丘於時菩薩爲大天衆敷演經法勸助開化咸令悅豫問諸天子以何形貌降神母胎或有言曰儒童之形或曰釋梵之形或曰大天王之形或曰息意天王形或曰阿須輪撻陁羅迦留羅真陁羅摩休勒形或曰大神妙天日月王形或曰金翅鳥形彼有梵天名曰強威本從仙道中來沒生天上於無上正真道而不退轉報諸天子言吾察梵志典籍所載歎說菩薩應降母胎又問以何形往荅曰象形第一六牙白象頭首微妙威神巍巍形像姝好梵典所載其爲然矣緣是顯示三十二相所以者何世有三獸一兔二馬三曰

白象兔之度水趣自度耳馬雖差猛猶不知  
水之深淺也白象之度盡其源底聲聞緣覺  
其猶兔馬雖度生死不達法本菩薩大乘譬  
如白象解暢三界十二緣起了之本無救護  
一切莫不蒙濟如是比丘於時菩薩覩兜術  
天普觀天下意欲降體白淨王宮於是王宮  
先現八瑞一者草穢瓦石諸垢不淨悉為消  
除自然香潔生衆雜華香氣苾芴二者其雪  
山邊身鴈鴛鴦鷹鷄赤鬣鸚鵡青雀哀鸞雜  
鳥來詣王宮住宮殿上軒牕門戶屏障籠躡  
各各暢音柔軟妙雅三者白淨王宮後園遊  
觀流泉衆水冬時始春皆生雜華若干種實

奇雅妙好四者陂水浴池諸觀屋宅悉自然  
生青蓮芙蓉大如車輪其葉百千五者其酥  
水器及麻油器石蜜器食之無減六者其王  
宮裏大鼓小鼓箏篥琴瑟笙簧吹不鼓自  
鳴演悲和音七者其王宮藏衆寶奇珍明珠  
七寶衣被瓔珞地中藏寶自然發出八者宮  
中光明普照內外蔽日月光二萬姝女歡喜  
悅豫眷屬圍遶來詣王所見王安坐侍王之  
右坐交露帳和顏悅色咸共賀王善哉大王  
願聽妾言王得大願衆寶瑞應咸一時至當  
懷悅豫時節和適國土太平應八閑齋當抱  
慈心不宜瞋喜敬身愛彼棄捐慳嫉愛欲邪

見消雪白大衆患猷事無復諸乱莫不歡喜  
已入正直無懷恨者不聽十惡奉行衆善王  
愍我等建立至誠去諸麤意莫受讒言兩舌  
彼此慕樂戒禁將護宜適念行功福慕樂道  
義妾等亦當奉戒順命棄捐愚冥抱歡悅心  
常自將護伎樂園遶永得安隱散華燒香已  
離諸欲不懷異心宿夜七日安和無難今我  
等心不在色聲香味細滑之法其心戀慕欲  
聞正音男女悉好猶若天人遊戲樂施不志  
王榮瓔珞之飾牀坐婉綖諸好几榻心中思  
善皆共踊躍安隱無亂今者大王宜視衆民  
猶若一子時王聞言第一歡喜當如所願不

違汝意輒如所誓於時其王施宮嫒女如意  
所願皆為莊嚴文飾清淨解散衆華燒其熏  
香懸繒幢蓋召二萬人悉使被鎧皆執兵仗  
侍衛左右諸眷屬俱作諸伎樂音聲悲和擁  
護王后諸宮嫒女各共圍遶諸天王女來洗  
浴之香熏衣服衆寶瓔珞僉然俱鼓百千伎  
樂其音悲和夫人適坐天女來侍以若干種  
衆雜天華金銀牀榻細軟綰紵以布其上明  
月珠寶諸天王女各賣香瓶散華燒香

普曜經卷第一

鳴

普曜經第一卷

娛音愚樂也音逮音代及也音搃音持音上音揔音惔音然音淡音音音號音

名音號音筇音字音手音搏音下音相音撲音也音頌音班音錠音光音定音那音鎗音

舍音迄音今音反音許音訖音巨音然音上音鄧音反音淵音深音上音烏音純音淋音下音

孰音福音祚音故音反音才音諭音諂音上音羊音朱音反音諛音閱音義音允音憤音亂音上音

煩音乱音也音奧音深音告音反音四音瀆音暴音流音也音邪音徑音下音古音定音路音

恢音闡音上音苦音回音反音大音也音怯音弱音下音音音若音反音麋音鹿音上音

眉音小音熒音火音上音憲音肩音反音愚音戇音下音竹音音音若音反音必音秤音

閣音步音上音庚音反音作音棚音鳧音鴈音上音鳥音扶音水音鴨音也音亦音怖音據音下音

預音反音勳音甚音息音淺音反音苑音圃音上音紆音阮音反音下音音音右音種音卑音

鄙音下音碑音美音反音琦音珍音上音音音蔺音少音上音簡音正音作音邊音域音下音

方音反音閤音上音步音庚音鏖音樹音末音反音普音鹿音麴音下音正音作音獠音



觀下音眇視也 麵皆也 僉七廉反 志操反 憚非到 悞怕徒

敢反 安靜也 嬈害上音 窵窵音 窵結上音 情態

代反 帑蔽金帛 舍也 殃豐反 和穆音

目熙怡反 許之反 悅自 恭恪反 柔濡

下正作 耀夷照反 這適疫疾 亦反 牀檣字

音無鞅 香反 奮振也 發也 繒綵陵反 猶豫音

預進 狐疑胡 痛痒養 輕便聲 解解

怠上音 竊真上音 於咬反 正鹹水音 咸味馬

騁下音 走之 曲籍下音 妹好昌朱反 菟正字 苾芬

上蒲必反 又步結 鳥鷹也 似鳧而 小鷹鷄


反屏障 上音 瓶陂水音 碑簫吹聲 下去 諛

言助銜反 細滑下懸 机檣也 下音 塔坐椅也 案

普曜經第一卷

釋音

鳴



猪飼長治寫附

